

續安陽縣志

卷三至卷五

續安陽縣志篇目

卷一

大事記

自商王河亶甲起

卷二

職官表

清知縣 民國知事 縣長 縣丞 教諭 訓導 典史 知府附

選舉表

進士舉貢大學專門國會議員省議員縣議員考取職官區長會長皆附焉

卷三

地理志

沿革 疆域 山川 水利 土壤(附土宜) 物產 氣候

卷四

民政志

土地(附統計表) 戶口 行政區域 自治(附保甲) 警務 衛生 倉儲 救卹

卷五

財政志

田賦(附等數表) 漕糧 賦稅 雜稅 鹽課 歲計(附改良田賦徵收法原委及管理財政各機關沿革)

卷六

交通志

陸路 航運 鐵路 汽車路 橋梁 郵遞 電報 電話

卷七

實業志

農 工 商 鑛

卷八

教育志

編學 書院 義學 學校 社會教育 典祀

卷九

兵防志

城防 鄉團

卷十

社會志

民生 禮俗 聲樂 歌謠 方言(附俗語格言) 報館

卷十一

宗教志

佛教 道教 回教 基督教 天主教

卷十二

建置志

城池 官廨 監獄 機關 倉庫 校室 公園 會場 祠廟

卷十三

古蹟志

地理 宮室 陵墓

卷十四

藝文志

卷十五

循政志

卷十六

人物志

鄉宦 耆舊 孝友 忠義 任卹 文學 方術 列女 流寓

卷末

雜記

附刊

續金石錄

甲骨文

續安陽縣志卷三

地理志

序曰。記地理者。濫觴於尙書禹貢篇。周禮大司徒掌建邦土地之圖。制疆辨物。仍禹貢所有事也。太史公河渠書。語焉而不詳。求其詳備足爲後世方志法。其班孟堅地理溝洫兩志乎。安陽縮轂南北。山川靈秀。自殷以來。爲都會。爲郡治。爲州領。彪然史冊矣。沿革疆域山川渠田。舊志略備。間有變遷興廢者。修正之。其他有關地理。爲舊志所無者。增補之。求備而已。仿古意。參近識。作地理志。厥目凡七。一沿革。二疆域。三山川。四水利。五土壤。附土宜。六物產。七氣候。附表。

沿革

自秦昭襄王拔魏寧新中。改名安陽。始皇復從而城之。以後滄桑迭變。曰相。曰鄴。曰蕩陰。曰彰德。曰堯城。曰永和。異其名。爲州。爲縣。爲路。爲軍。爲緊。爲倚。殊其制。截自明清。其間因革變遷。統詳舊志。民國成立。廢安陽。以彰德府知府統轄湯陰。林縣。臨漳。武安。涉縣。內黃。六縣。旋廢府制。改爲彰德縣。未幾。復改爲安陽縣。兼隸河北道。十三年道廢。直屬河南省。二十一年。劃分行政區域。以安陽爲河南行政第三區直轄重地。設有行政督察專員公

署

按安陽命名之義據鄴乘秦別將張唐攻魏破鄭王齕攻邯鄲不拔引兵從唐拔寧新中改名安陽變寧爲安義相近矣水北山南曰陽其以在淇北故耶此外別無可考惟安陽城南密邇蕩水蕩陰之名卽取義於此蕩水之北自應名陽鄴乘釋陽不曰蕩北而曰淇北說固牽強又寧變爲安亦近臆測相傳安陽境內之北嶺名壽安山城在壽安之南故曰安陽但壽安之名不見於載籍惟北嶺之東麓有明趙府香火祠顏曰壽安山堂詳本志建置門又迤西三十餘里正當北嶺之巔康王墳附近有聖人廟父老流傳此廟在明之世設有壽安書院言之鑿鑿亦堪依據此雖皆明代遺址而兩處建築咸名壽安則北嶺之爲壽安山也蓋無庸疑姑誌之以待考

疆域

安陽昔爲彰德府首縣幅員遼濶位於河南省之北端與河北省磁縣接壤南至美河鋪南安湯交界起當北緯線三十六度三分北至豐樂鎮止當同度二十七分西自科泉鎮西起當東經線一百十四度八分東至耿家鋪止當東經線同度五十七分東西廣一百五十里南北長八十里面積九千三百七十五方里縣城居全境中央稍偏西南其周圍

與鄰封交界之距離，已詳舊志，不復贅。茲將全縣十區之距離方位地勢面積總列詳表如次。

安陽各區疆域表

區名	方位	距城里數	地	勢	縱橫里數		面積	備考
					縱	橫		
第一區	中		萬金渠西來繞城支統交錯洹水統經北部		十五里	三十里	三百七十五方里	縣城約佔九方里
第二區	城東	二十五里	西部茶店坡東部廣潤陂均屬窪下		二十五里	四十里	一千零七十五方里	白璧集
第三區	城東北	二十里	西部韓陵山中部漳河決口故道東部多沙田		十八里	三十里	七百五十方里	崔家橋
第四區	城東	七十里	地勢窪下		四十里	四十里	一千一百二十五方里	楊汎
第五區	城西	二十五里	中部洹水萬金渠流域土地肥沃南北崗嶺崎嶇		四十里	二十五里	一千零五十方里	曲溝鎮
第六區	城西	四十里	水冶當彰林大道山貨聚集中正民生兩渠貫其中		二十五里	三十五里	八百七十五方里	水冶鎮
第七區	城西南	四十五里	山嶺重疊交通不便善應村爲洹水在安發源地		四十里	三十五里	一千零七十五方里	善應村
第八區	城西北	四十里	漳水在其北洹水出其南太行山脈橫亘其中		三十五里	四十五里	一千二百方里	倫掌村
第九區	城南	十五里	西部崗嶺起伏東部一望平原		二十五里	五十里	九百方里	魏家營
第十區	城北	二十里	西部略高東部平原三民渠西北來南流入洹		四十里	三十五里	九百五十方里	洪河屯

說

本表各區距城里數係由各區區公所所在地起算

明

山川

山脈

安陽西山諸峯岫均爲太行山脈其最高者爲清涼山西爲馬鞍山東爲魯山偏東爲銅山迤北爲鑛窟山再北別出一峯爲招軍嶺再北爲高望山折而東南爲艾山此西山之北脈也清涼山之南爲青石頂再南爲藍嵯山貴志稱藍山之口者卽今之磊口也再南有塔高峙山上者曰塔山此西山之中脈也再南爲九華山九華山之南爲二龍山九龍山再南爲龍尾岡寶山在其西東有山如鑿形俗名鑿子山東南爲揚州塔再南一峯現破裂形俗名破頭山而王家迤齊家迤馬王山又在其南再東爲善應山此西山之南脈也以上諸脈均由太行而來餘氣所鍾北之艾山南之鑿山向東錯出之南北二嶺尤爲全縣之形勝云

南嶺

其主峯爲鑿子山迤東爲梨林頭大小閭寨之南嶺再東爲青龍岡爲賀駝

老河溝之北嶺，折而東南，爲馬鞍橋嶺，東北爲紅嶺，再東北爲鬪體臺，今之獨樂臺之北嶺，

爲七股路，爲槐樹嶺，再東爲畢家小屯之西北嶺，爲牛王廟坡，再東爲黃張村之西嶺，

至石廟而止，此嶺綿亘約五十餘里，又馬鞍橋嶺向東南別出二支，北大支爲馬投澗

北嶺，南小支爲葛澗南嶺，迤東爲蒙賚山，爲愁思岡，

北嶺其主峯爲艾口山，迤東南爲觀台柏澗等村之南嶺，再東爲倫掌南嶺，是嶺

西南數里有神仙頂，俗稱魯般山，平地突起，勢頗雄特，北與趙康王墓，南與龍山遙遙

對峙，東爲谷駝北嶺，孫家岡南嶺，再東南爲李家坡南嶺，俗名摩天嶺，再東爲野馬岡，

再東爲張湖頂，東至洪河屯鎮之西嶺而止，此嶺綿延約六十餘里，總名曰壽安山，再

東南陡出一峯，爲韓陵山，南北綿亘亦十餘里，惟不及西方諸山之高峻焉，

河流

全境河流最著者，爲洹漳珠溪等水，分述之，

洹水 洹水發源山西上黨，入林縣橫水地方，無形潛淤，至安陽距城六十里之善

應村左近，潺湲噴涌，不可遏抑，諺所稱洹水逢橫而入逢善而出者此也，河流所注，愈

遠愈浩，迄第五區所屬之高平村，設閘分水，唐咸亨三年相州刺史李景創始灌溉田畝，延袤計數十

里利益雄厚，倍蕤山田，第五第一兩區，民生富厚，物產豐阜，所以獨占優勝者，有高平閘所瀉之渠故也。

漳水

漳水之源有二，濁漳出山西長子縣西五十里之發鳩山，經潞州城西南，越

襄垣黎城，注入河南涉縣，清漳出山西平定州樂平縣西南二十里少山，經和順縣西北四十里石堠嶺下，逕達遼州，迤東七十里，又西南入黎城，以至涉縣，兩水分注涉縣東南七十里之合漳村地方，匯而爲一，再東入安陽境觀臺集一帶，引漳灌田，迤遞而下，亦六七十里，直抵縣治以北第八第十兩區，凡濱渠而沾此利益者，其豐富不亞於高平渠附近之居民焉。

珠溪

縣西四十里曰水冶，再西約二里，有珠溪，舊志所稱珍珠泉是也，泉源上湧，

明若珠璣，東流約十里，蔣村以東，注入洹流，此十數里，在北者有廣遂渠，沿傳已久，在

南者開有民生渠，

民國十七年新開

餘如縣西南四十里之零泉水，馬投澗所出之防水，縣西

北野馬岡所流之水曰黃花水，

即虎澗，盧府志云：虎澗在縣西三十里野馬岡下，晉左思魏都賦云：虎澗龍山，即此因避石虎諱，改名彪澗。

有小泉名黃華水，東南流七里入於洹，貴志云：曰黃衣水。

雖互見於水經注，方輿紀要，鄴乘等書，但詳確詢查，此

等溪流，惟夏秋之交，山洪暴發，洶涌可怖，平日水勢微細，殊無登載必要，或者宋元明

時代，數水皆有可紀數。

按全縣山川形勝，縣西六七十里，太行餘脈，孕育峯巒，南北銜接，矗立無際，髣髴萬丈屏風，天開罨畫，信屬一方保障，望若長城，縣東地勢平衍，膏腴太半，約九十里，衛河北注，商旅往來，帆檣雲集，航路交通，人稱便利，南北兩嶺，分支東下，形勢蜿蜒，狀若齊驅，雖係岡巒掩映，恍如蛟龍起伏，忽斷忽續，若卽若離，兩嶺相距，計二十餘里，中則珠洹二水，天然發現，或導源於柏門，或偃傍乎松濤，龍山虎澗，環境稱雄，鹿苑鯨背，氣象蔥鬱，漫水橋臥等長虹，韓陵石古稱奇特，千溪萬壑，派別分明，貫注衛水，同歸一致，故靈秀磅礴，英賢迭起，開皇秀才，萃集一門，宋室元勳，帝推韓相，郭文簡位崇師保，許兵部學究天人，此外公侯卿輔，忠清直諫，英耆龐碩，孝義彰著，又皆前後輝映，事實詳載史乘者也，至如北嶺之外，漳滏騰沸，南嶺之表，美蕩潏洄，雖皆遠映旁跨，亦屬車輔唇齒，分流入衛，居然江漢朝宗，就此設防，允推屏垣重地，是以歷代興亡，恒視茲地爲重輕，而往昔成敗，試爲略陳其一二，信陵救趙，椎晉鄙於安陽，蘇子聯盟，會冠裳於洹水，項羽推翻秦社，曾誓師於漳南，曹操虎視中原，亦根據乎鄴郡，野馬岡前，頻見高歡之轟，相州城下，駐有天策之兵，五胡爭霸，石勒據此而龍興，九使兵潰，唐室遂因之瓦解，後

五代防契丹，鄴都恃爲雄鎮。明成祖薨後，禍彰，德建有強藩，歷瞻往史陳迹，益信地關險要，爲英雄所必爭。尤兵家所注視。況滿清末造，新政發端，切近平漢鐵路，直貫南北之衝，遠矚城堞崇閎，勢扼直魯之要。西可聯合秦晉，南則屏翰中州。地雖縣屬，寔爲巖邑。是在有官守之責者，登賢俊以脩明政事，擴實業以培養民生，寓兵於農，撥亂返治，斯政學融洽，眾志成城矣。安見一縣之地，不足比美於省會都會之雄哉。

水利

三民渠

先是天平渠，自西史二公修築以來，時塞時開，迭經變遷。有清二百年，未常濬修。渠道湮滅，水利廢弛。縣北三十里淨渠村，相傳爲當日渠身。稻田村，相傳爲渠旁稻田。渠流故址，固彷彿猶存也。清光緒五年，有當地居民杜琪堂李占鰲者，鑒於三四年間荒旱成災，人死過半，遂倡議重修，請准上憲撥款相助。復由沿渠各村募集巨款，按距離遠近，爲納款比例。卽爲日後灌田改水，戽水之差等。七年開工，八年竣事。原擬以挖渠放水，藉水刷渠之政策，垂諸久遠。不知渠道純係土質，漳水多屬濁流。古有漳水一石其泥五斗之說。一旦欲藉泥水衝刷渠道，焉得不敗。當日放水下流，未得衝刷之利，已遭

淤塞之害，而兩岸相繼坍塌，壅水不行，欲重行開挖，而巨款已盡，再復捐募，人皆掩耳而走，事遂中止。迨光緒三十年，商人周正元呈准重挖，越三四年渠成，遂組溥利溉田公司，賣水營業，沿渠村民納資灌田，該商人頗獲利益。民國元年，改爲天平渠，溉田公司繼續營業，嗣復從上游開挖支渠，致下游大受影響，於是激動下游四十二村公憤，乃各舉代表於洪河屯村開會，共謀抵制，是時適屆該公司專利期滿，渠道權利應歸地方，遂一致表決，由地方收回自辦。公推孫佩堂全權代表，向列憲呼籲，該公司黃緣袁氏藉勢威嚇，爭訟歷十年之久，孫代表艱險備嘗，守正不阿，卒至民國十七年北伐告成，政府藉沒袁氏逆產，由孫代表據理陳訴，始得還之地方，更爲爲三民渠，復於保障村北漳濱重開新口，以廣水量，由第十區全區公舉委員十人管理渠務，設局於洪河屯，修改舊章，規定每畝年收修築費若干，每年於農隙修渠，至春放水，派人巡視，開口啟閉以時，防奸人乘機竊水，改口抽聞等弊，上下游灌田約計七百餘頃。

李氏雲生論曰：余髫齡時，至親串家，見其村外深溝斷岸，自西北蜿蜒而來，歸而問之，先君子告余曰：此天平舊道也。引漳爲渠，創自西史，千百年來，考古者空知其名，談事者不識其地，當光緒初年，邑人李占鰲等，以年荒創議修復，維時承平日久，百務因循，

續安陽縣志
官紳莫肯實心任事，徒欲責近功求速效，反致渠敗垂成。土人相援以爲詬病，而李氏遂亦賚志以終。嗚呼，非常之功，必待非常之人，此非造物者之故秘其利，蓋有待也。汝其識之。及乙巳丙午間，邑人周正元等，以商業興水利，卒建不世之功，使沿渠各村變稍瘠爲沃壤。今又歸之地方，爲萬民福。上下數十年間，先君子之言，應若蓍蔡。易曰：不傷財，不害民。又曰：變而通之以盡利。觀於此事，尤信。

廣潤陂之疏濬

縣東之廣潤陂，創自隋開皇八年。刺史梁士彥引湯羨二水入陂，溉田。其後陂水不行，秋潦並注，反爲民害。歷代濬修，已載前志。至清乾隆五十九年，漳水南泛，塞陂下游，水無所洩，湮沒良田千餘頃。道光八年，楊中丞濬湯故道，又由萬家莊開渠引陂水至四淤廠橋，歸湯以達於衛。詎湯高陂下，反倒灌於陂，致附近各村時虞水患。又永通河由西南流東入普濟河達衛。嘉慶間，普濟河淤塞，逼水北流，至高曠村西北，稍折而東，由趙王溝入衛。餘水無歸，頗爲水磨灣坡之害。同治間，水磨灣坡各村挑挖澗溝，引永通河由周流村東入湯。由是其水常溢於陂。民國十三年，霪雨爲災，趙王溝所洩永通之水不能暢流，泛溢田間。大偏店各村秋苗受損。各村遂邀眾築高曠新隄以堵水。永通

河及湯南各溝渠之水不能東注，盡越湯北溢於陂。洹水南岸東西柴村郭盆楊家堂等處，東西十餘里，缺口甚多，河漲則南溢於陂，北萬金渠至後石頭村東，渠道淤塞，不能入洹，亦南溢於陂，而漳水大漲，時侵入洹，洹不能受，亦波及於陂，陂之害竟不可以道里計。舊志所謂水有所歸，不爲民患，已不可得見二百年矣。民國十七年，陂旁瓦店集邑紳衛萬庭請准官府撥給罰款，由濱陂村民幫工疏濬，美河新惠河及中南萬金渠下游六十三里，又將洹河缺口盡行堵塞，陂間水害於以大減。

萬金渠之沿革

萬金渠創自唐李景，原名高平渠，歷朝皆有補築，至現在而法益備，利益普，其間沿革頗有可記者。查此渠初開，第二李景自高平作堰，引洹水入渠，不云作何等堰。宋韓魏公高文忠均有修築，亦不云作何等堰。明萬曆時始建石閘，旁修石堰，但止近閘一節，未曾全堰皆石。康熙間，因以濟運爲急，規定三月初一日起，五月十五日止，此七十五日中，以竹絡裝石堵塞渠口，使大流濟運，餘水灌田，過此悉聽民便。乾隆三十九年，又以春月亢旱，河道總督楊立德巡撫何燭奏請，謂河南之漕，春月尙未出境，民間引水灌田，請從四月初一日封閘，五月十五日開閘，以此四十五日爲濟運之期，得旨准奏。

其後漕米折色停止濟運併此四十五日封閘規則亦遂作廢而民田灌溉愈益疏暢惟是渠堰歷年堵塞全用土石若逢山洪暴發堰既被衝每年須用多人堵築堰口頗爲民累光緒八年彰德分府安陽分縣會同勘驗諭飭在渠人等捐款將全堰盡築以石以爲一勞永逸之計斯時全洹流量胥歸渠內沿渠村莊雖素日不沾水利者至此亦開支渠引以灌田入民國後分府分縣裁廢渠閘歸渠戶自理曲流蓋孫四閘始公立水利公所後奉建設廳令又易名爲水利協會專辦渠田糾葛事項以期水利均沾不使略有偏枯之害所有該渠流域村莊其地勢足以接渠使水者數十年來均援擴充水利之說已挖引渠無算成爲定例雖罄全洹之水不能盡如其願每當大旱往往有爭水械鬪之案亦造物之遺憾也舊章各閘灌田每月均有定期載在舊志不得攪混該渠第一爲曲溝閘第二爲流寺閘第三爲蓋村閘第四爲孫平閘流至城東分南北中三渠另有渠圖茲不贅述

民生渠

在縣西四十五里水冶鎮引鎮西馬蹄泉新泉狗刨泉今改各臥龍泉三泉之水向東南流分爲三大幹渠北分幹遶水冶東北達阜城中分幹經段村達孤莊南分幹由天池達北

彰武，共計灌田百三十頃。此渠創自民國十七年，由徐昭潔邀集士紳，積資興修，並請縣長諭飭沿渠戶民攤款，以資接濟。年終土工告竣，未及發財力已竭，工遂停。二十年春，縣長韋品方蒞任，提議繼續，以竟斯功。委李皋亭統籌治理，分田爲一二三三等，按畝攤款，招工續修。韋縣長親詣鄉間，勘驗渠道，規定計劃，並曉諭民衆，興辦數月，韋李皆去職。公推王幼柯接辦。閏二月，工大進。王因事辭，旋由徐昭潔接辦。是時財政支絀，印發工資券兩萬元，借資流通，繼續推進。二十一年秋，渠告成。民稱便焉。此渠工程之繁有三：一、渠水出泉，作浮橋，橫越珠水；二、水冶西有旱河灘，挖作「」字形，爲暗橋，以避山洪衝毀；三、總幹深處，盡築涵洞，每隔十丈，作一井以通之。

中正渠

引珠水灌田之廣遂渠，自後魏高僕射隆之創修，由阜城村附近之釣洞開口，引水東流四五里，灌田四十餘頃，沿渠阜城、蔣村、姬家屯等村，均沾其利。民國十七年，將廣遂渠舊名，改爲中正渠。

保障渠

縣西北五十里東保障村，其地近漳水，土人由漳濱開渠引至村西，繞村東南流，水勢